



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



**Baahloli ba
lahloa kherekhloa**

3

**O nyetleletsa
likhoebo**

7



SEOA SE KOALA LIKOLO



Access Our Books on Akello Library!

Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore

<https://library.akello.co/downloads>

Follow the link

bookcentre@mazenodprinting.co.ls

Need guidance? Call/ / WhatsApp: 27 350562 / +266 57396597

MOELETSI

Bophelo ke
ntlolana-ntlale

Moruo oa Naha ea Lesotho o hloka ho hola ka bonyane linoko tse tšeletseng ho isa ho tse supileng lekholong, e le hore lintho li tle li loke joaloka ho theha mesebetsi. Moruo o ile oa batla ho hlasimoloha ka selemo sa 2024 empa leha ho le joalo tšebetso ea Morero oa Metsi a Li-hlaba tsa Lesotho (LHDA) ha e fela ho tla ba thata hape. Taba e ka sehlohong e hlokahalang hore e etsoe ke tlhopho-bocha e tla thusana ho tla ka melao le maano ho thusa likhoebo ho nyolla moruo. Joale ebe tsona likhoebo tseo li ikobela melao haholo ea ho lefa lekhetho, hobane ha li sa le lefe ha li thuse moruo oa naha ka letho.

Letona la Likhoebo, Mesebetsi e Mehola le Likhoebo tse Nyenyane o ile a botsoa hore na o tla kenya Molao oa Ngoliso ea Likhoebo oa 2020, Temana ea 34 neng, ha ho bonahala eka o ntsa pota-pota tjena. O hlalositse hore haeba a ka kenya molao oo tšebetsong ke Basotho ba ka bang 700 ba tl'o felloa ke mosebetsi. Lebaka ke hore temana eo e tšetse likateng tsa hore Basotho ba nang le likhoebo tse latelang li tl'o koaloa; ho rekisa joala, lijo, lijo tsa liphoofo, ho lokisa le ho kuta moriri 'moho le ho rekisa likarolo tsa likoloi le tse ling hape. Ho feta moo ho koala likhoebo tsa melata ho ntse ho tl'o ama Basotho ba sebetsang ho tsona hobane ba tl'o felloa ke mosebetsi.

Letona le utloetse Basotho bao ba makholo-kholo bohloko ha ba tl'o felloa ke mosebetsi ho se ho ntse ho e-na le leqeme tjena, hape le Naha ea Amerika e qeta ho nyolla litefiso tsa khoebiso khahlanong le Naha ea Lesotho. Tona-Kholo o itse tharollo tabeng ena ke hore Basotho ba ke ba eme ka maoto ho iketsetse, ba tlohele ho lebella liphallelo ho tsoa linaheng tse ling. Kajeno ke Amerika hosane e tla be e le naha e 'ngoe e iketsetsa ka ho rata, ebe Lesotho le sala pooaneng. Motho o khonoa ke sa ntlo ea hae, Basotho ha re emeng re iketse re tlohele ho ba mekopa-kopa.

Ho sa le joalo Mokhethoa oa Thaba-Bosiu o fane ka lijo ho sechaba kamor'a hore batho ba noang litlhare tsa bophelo bohle ba mo etele lapeng ha hae ho kopa lijo. A bona ho le molemo hore a hle a fepe sechaba kaofela kaha a hlokometse hore taba ena ke kobo-anela. Lijo tseo o re ha ho moo li amanang le ho reka sefahleho sa sechaba, ebile leha a se pusong o tla 'ne a tsoelepele ho thusa sechaba. Mosotho enoa o etsa taba ea bohlokoa ruri, hobane ho thusa'ng ho ja u khora empa u tseba hantle hore moahisane kapa ngoan'eno o robala a itsosa? Motho ke motho ka batho, kajeno ke 'na hosane ke uena. Ho thusa motho e mong kajeno ke ho iketsetsa molemo, hobane ka le hlahlamang e tla be e le uena, etsoe bophelo e le ntlolana-ntlale.

Lekala la Bophelo le tlaleha le se le kopane le bohle ba chang ba tšola mabapi le lefu la 'chicken pox' le shebahalang le hlasetse likolo, hoo ho ileng ha lokela ho koala tse ling tse peli Seterekeng sa Mohale's Hoek. Ho na le moithuti a le mong ea lahlehetsoeng ke bophelo ha ba bang 'moho le litichere ba ile ba isoa Setsing sa Bophelo 'me ba ntse ba hlapheloa hona teng. Letona la Lekala la Bophelo le tiiselitse Basotho hore litaba tseo li tla ea moriting e se khale, kaha ba se ntse ba sebetsana le tsona. E se eka tseo tsohle li ka loka kapele, hobane thuto ke leseli haholo bacheng.

MOLIMO A BOLOKE LESOTHO LE BASOTHO

Likolo li oeloa ke seoa

Nthabeleng Seitlheko

Mosuo-Hlooho oa Sekolo se Phahameng sa Mount Camel, Mpharane Seter-ekeng sa Mohale's Hoek Lelingoana Moroke, o re sekolo sa habo se koetsoe ha nakoana kamor'a hore ho be le seoa sa letšollo, hlooho e bohale, mocheso le lekhopho le bonahalang

ka e mong oa bahlanka ba lulang sekolong moo a lla ka hlooho. O re leha ho le joalo, ba ile ba qalella ho bona bana ba se ba kula le litichere, ba bang ba amohela Setsing sa Bophelo, ba bang ba fuoa ente ke lekala la Bophelo kaha ba ne ba e-na le matšoa a be-laetsang empa ba ntse ba hlaphoheloa.

O re pelaelo ke hore ba sebelisitse metsi a sa

baithuti ba ntse ba hlaphoheloa.

Ka lehlakoreng le leng, Letona la Bophelo Mohlomphehi Selibe Mochoboroane, o hlalositse paramente tulong ea la 9 'Mesa monongoaha hore ke bonyane likolo tse peli tse Seterekeng sa Mohale's Hoek tse koetsoeng ha nakoana ka lebaka la lefu la 'chicken pox,' moo baithuti ba bang ba keneng Sets-



le aparela baithuti. Litaba tsena o li tiiselitse Koranta ka la 9 'Mesa monongoaha.

O re ketsahalo ena e bile ea lebisana ho hlokahalang ha e mong oa baithuti, ha bokulo bona bo ile ba qala

hloekang hobane lehlatsi le letšollo li ne li bonahala li nkile mojao. A re ba ile ba tsoarana ka matsoho le Lekala la Bophelo ho bona hore taba ena e fumaneloa tharollo ka hoo bohola ba

ing sa Bophelo ka lebaka la metsi a sa hloekang.

Mochoboroane o itse har'a baithuti ba 51 ke ba 47 le litichere tse 4 ho hlaha Sekolong se Phahameng sa Mount Camel, Mpharane, ba lileng ka hlooho, mocheso, letšollo, mala le ho ohlola har'a matšoa a mang.

Karolo ea pele ea baithuti e ileng ea ameha e ile ea amoheloa Setsing sa Mpharane ka la 27 Tihakubele monongoaha, 'me ke bonyane baithuti ba bane ba amohetsoeng Setsing sa Bophelo ka lebaka la letšollo le tlhohakalo ea metsi 'meleng, ha e mong a tlalehiloa a feletsoe ke bophelo.

O re sechaba sa Basotho se khobe matšoafo kaha lekala la habo le se le fane ka kalafo le ho hokahana le makala ohle a amehang ho bona hore boemo bona bo ea moriting le bophelo ba baithuti le litichere boa bolokeha.

Thapelo ea Basotho

'Mopi, Hlahlamacholo, Ramaseli, Rammoloki Atla li maroba, Atla li marotholi a pula, Atla li tsoeu tsa Rammoloki, Li tsoeu ke ho bopa masea, Hobane bohle re 'mopo le mosebetsi oa matsoho a ona. Hlahlamacholo hlahla metsi o'a etse keleli ea sehla sa Mariha, Hobane ka keleli u nchafatsa lichaba teng, Lichaba li tsoang ho uena 'mopong, Li tlang ho boela ho uena meahong. Ba meolimeololo, ba lumang lingope ho theleha. Ntšang tsoeu le nehe 'Mopi le tle le bone ha 'Mopi o thaba, Hobane Baholo-Balimo bona ba thabela likhalapa. Ba re ho be ho soeu, ho be malola, Ho be hele-hele pele le morao. Ho iloe kae ke Bo-ntate-moholo le Bo-nkhono ho sa keng ho khutloa, Ho iloe ha sekoti ha se tlale. 'Maakane joo! Ka 'Mopi ra le bona.

'Mopi oa Ramosholu-shololo litsohali Bo-nkhono ke bana ba labalabela matlala. Matlala b'a bona ka'ng a anetse, b'a bona ka ho theha mekhanya liphatleng tsa bona. Malataliana-tsela ngoana Rae e moholo ke mang, pitsana ha e na khobe, le e 'ngoe ha e na khobe. Qhaqholla u re qiti! Moshanyan'a sankatana le kholumo-lumo. Ho iloe kae ke bo-Mma-bana, ba ile masimong.

Ba siile masea ka liotloaneng. Liotloana tseo ha li hole li sireletse masea. Ka bona Bo-ntate-moholo le Bo-nkhono ba lutse ka shoalane molong le litlohotloholoana tsa bona ba li etsetsa litšomo tse monate;

Bo-limo le Tselane ka ba ka utloa ha ba ba etsetsa lilothe tse monate; bo-mmenthele o hlotse baruti.

Leseli! Khanya!

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

Editorial

Lesetsa Rakubutu

(+266) 6203 1949 / 58490670

EMAIL: editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšelisio Thakholi

58 540 853/ 63 480 404

Production Desk: 'Mateele Liqa

Lihlahisoa li hlahlojoe malibohong



Nthabeleng Seithleko

Molula-Setulo oa Komiti ea Paramente e shebaneng le Litaba tsa Moruo le Lintlafatso Sello Hakane, o sisintse hore komiti e amohela tlaleho ea setšoantšo sa molao oa tsamaiso le phetiso ea thepa malibohong oa selemo sa 2024. Litaba tsena li hlaheletse Tulong ea Paramente ea la 7 'Mesa monongoaha.

O supile hore morero o moholo ke ho nolofatsa tšebeliso 'moho ea khoebi-

sano lipakeng tsa Lesotho le linaha tse ling 'moho le lekhetho la thepa le lokelang ho lefshoa ha thepa e tsoa le ho kena kahar'a naha. Taba ena e tla thusa ntlafalong ea pokello ea lekhetho e nang le ponaletso.

Mokhethoa oa Likotsi Itumeleng Rantšo, o supile hore naha e na le bothata ba lithepa tse kenang ho sa netefatsoa hore na li tsoa linaheng le likhobong life hape li ka ba le litlamorao life. O re taba ena e nyarosa haholo hobane re phela nakong eo Basotho ba hlahetsoeng ke lefu la mofetše

ka lipalo tse holimo, hoo e ka 'na eaba litlamorao tsa mefuta e meng ea lijo li hlahisoa ke liketso tsena.

Ho nyarosang hape ke hore lithepa tseo li kena joalo kahar'a naha ho se litokomane tse totobalitsang sehlahisoa ka ho nepahala.

Ho sa le joalo, Setho sa Paramente Montoeli Masoetsa o tlatsitse litaba tsena ka hore setšoantšo sena sa molao se tla thusa ho loantša bothata ba hore linaha tse ling li tlise lithepa tse se nang boleng naheng ena, ebile ho se tlhoko e joalo.

Ho boetse ho tla thusa Lekala la Khoebo le Mesebetsi e Mehola ho potlakisa tšebetso, ka lebaka leo o se chaella monoana ka le reng se kenyelelitse lintlha tse kholo tse amanang le taba tsa ho lahla lithepa le likotlo.

Letona la Lekala la Khoebo le Mesebetsi e Mehola le Likhoebo tse Nyenyane, Mohlomphehi Mokhethi Shelile, o supile ha ho tla ba le mookameli lefapheng leo a tla sebet-



sa 'moho le letona ho bona hore litefiso le ho kenya thepa ho ba molao, ha se ho ka sisinyang metheo ea pokello ea lekhetho, tumelano ea SACU le Machaba ea ho tsamaisa thepa mal-

ibohong.

A re lekala la habo le tšoere ka matla ho bona hore litaba tsa khoebisano lipakeng tsa linaha e ba tse ntle tse thusang pokello ea lekhetho.



Baahloli ba lahloa khrehloa-Mosito

Nthabeleng Seithleko

President ea Lekhotla la Maipiletso Justice Kananelo Mosito, o re Makhotla a Molao a lokela ho ikemela molemong oa ho akofisa kabo ea toka. Litaba tsena li hlaheletse puong ea hae, ea Pulo ea Lekhotla la Maipiletso ka la 7 'Mesa monongoaha.

O re ho fumana chelete tlas'a sekhele sa 'muso ho liehisa kabo ea toka kaha linyeoe li hloka chelete. A re baahloli ha ba ke ba tseke meputso ka ho etsa mehoanto kapa ho e rera ba tsoelapele ho etsa mosebetsi ba thotse leha ho tsebahala hore ho thola ho sithabetsa maikutlo.

O supile ho lokela ho hlake hore ho lieha ha meputso ea baahloli, ha se ho ba imetsa, empa ho senya methoho ka kakaretso. O itse bophelo ba baahlo-

li bo tlakotsing kaha ba sa fumane tšireletso e nepahetseng, 'muso le mekhatlo ba ba lahla khrehloa ha ba le phomolong.

O re ke ho ba hlokela toka hobane ba sebelelitse naha ena ka boitelo ka lilemo-le-mo, ebe ba hloloa feela ho fuoa tšireletso le tšebetso eo ba ileng ba efa ofisi ha ba le tšebetsong. O re taba ea baahloli ba phomolong e lokela ho phamoleloa holimo e be le meralo e tsitsiseng sebakeng sa bona.

"Haeba re sa hlomphe baahloli ba phomolong, moloko o tlang o ke ke oa ba le thahasello litabeng tsa toka, re lokela ho etsa liketso tse fanang ka seriti polokeho le paballo ea bophelo ho bao." Ke Mosito eo.

Har'a meralo eo a e qolotseng polelong ea hae, ke hore baahloli ba mehleng ba fuoe likoloi, balebeli le ketekelo ea bona tšebetsong e le hore Makhotla a hlonephehe.

O re le kahar'a mathata ao ba leng ho ona, ba tla

sebetso ka thata ho bona hore tsohle li kena tšebetsong leha ba sebeletsa meahong e sa amoheleng; e nelang, e hlokan-

le chebahalo e ntle. O re Makhotla a tliša tšepo ho sechaba, toka le khotso mahareng a bohle.

Ka hona o re ho se a tso-

telle ho ama kabo ea toka, ho lokela ho tsebahale hore moahloli ea tšehelitsong o'a atleha, o lokoloha ho bua litaba tsa molao ka boitšepo le 'nete ho se tšabo hape le libaka tsa tšebetso e be tse amohelhileng.



RE TŠEHETSA BACHA



Tšeliso Thakholi

Koranta ea Moeletsi oa Basotho ka mehla e lakatsa ho bona thuto ka mekhahlelo e fapakaneng ea eona, e ntlafatsa bophelo ba bacha kamor'a hore ba qete likolong tse kholo, 'me ba fumane mekhoepha ea mangolo. Sena se ka ba thusa hore ba tsebe ho iqalla likhoebo tsa bona bakeng sa boipheliso. E le ho netefatsa taba ea thuto e thusang ho matlafatsa bophelo ba bacha, rena le e mong oa bacha ba ipabolang haholo ka lithuto tsa lithekiso le lipapatso (Sales and Marketing) e leng Ausi Lerato Mabula.

Ona le litsebo tse khetheleng tsa lithekiso le lipapatso, 'me o e ntse lengolo la Diploma in Marketing ka Sekolong sa Lithuto tsa Mahale le Mesebetsi ea Matsoho sa Limkokwing.

Hajoale o litekong tsa likholeli tse tharo kampaning ea Ralikhomo Frabrication and Welding Engineering (PTY) LTD.

KHAITSELI EA KA BOBELLA BACHA HORE NA U MANG?

Ka lebitso ke Lerato Mabula 'me ke mocha ea lilemo li 19. Lapeng heso ke Ha Lekhobanyane tikolohong ea Mazenod. Ke mocha ea nang le lerato le tebileng la litaba tsa lithekiso le lipapatso. Ke e ntse Lengolo la Diploma ka Limkokwing. Morero oa ka ke ho tla itšebetsa kapa ho tla itlhalisetsa mesebetsi ka lengolo lena leo ke nang le lona.

NA KE THUTO EO U QALILENG U SE U NTSE U ENA LE LERATO LA EONA?

Ha ke ntse ke hola ke ne ke rata hoba 'moloki oa libuka tsa khoebo, empa ha ke qeta ho ngola Form E

Sekolong se Phahameng sa 'Mabathoana morero oo oa ka o ile oa nyopa ke se ke amohetsoe Botho University ka lebaka la ho hloka lithuso bakeng sa ho etsa lithuto tsa poloko le tšebeliso ea lichelete. E re kaha lengolo la ka la Form E le ne le ntumella hore nka ea Fokothi le Limkokwing, ka khetha ho ea Limkokwing moo ke ileng ka khahloa ke ho etsa lithuto tsa lipapatso haholo. Ka qala ho e rata le ho bona bohlokoa ba eona.

NA KE THUTO E THATA?

Hara lithuto tse teng bophelong ba letsatsi ka leng, lithuto tsa lipapatso ke tsa tse ling tse bobebe le hoba monate ka ho fetisisa hoba li ruta batho lintho tse et-sahalang bophelong e leng tseo re li phelang. Li fana ka monyetla ho motho ho tla ka menahano e mecha ea ho itlhalisetsa le ho bapatsa lihlahisoa tse fapakaneng.

MORERO OA HAU KE OFE KA THUTO EA LIPAPATSO?

Morero oa ka ka thuto ena ke ho ea itšebetsa le ho itlhalisetsa mesebetsi ha ke qeta liteko tsa ka koano kampaning eo ke leng eona. Ke batla ho ikhira kaha ke se ke ithutile hore khoebo e 'ngoe le e 'ngoe e hloka lefapha la lipapatso, e le ho etsebahatsa le lihlahisoa tsa eona.

BOHLOKOA BA LIPAPATSO KE BOFE?

Lithuto tsena tse mabapi le lipapatso li thusa haholo ka tsela e khetheleng ho tsebahatsa likhoebo tse fapakaneng tseo batho ba nang le tsona. Li aha likamano tse mofuthu le bareki ka ho arabela litlhoko tsa bona. Lihlahisa lihlahisoa tseo e leng hore li arabela litlhoko tsa mefuta e fapakaneng ea batho.

NA U NA LE KHOEBO?

Hajoale ha ke e-sobe le

khoebo, empa morero ke ho tla iqalla mofuta oa khoebo, e tlang ho sebetsana le likhoebo tse ling hore li tsebahale, li hole le ho hlalishetsa bacha mesebetsi e mengata.

U KA RATA HO BA LE MOFUTA OFE OA KHOEBO?

Ke batla ho etsa kampani e shebaneng le litaba tsa lipapatso, eo sepheo sa eona e leng ho tla thusa likhoebo tse ntseng lithuthu, tse 'nyane le tse kholo hore li tsebahale le hore bareki ba tsebe ka lihlahisoa tsa bona. Morero ke hore re tli-lo ikopanya re le bacha ho theha khoebo ea mofuta ona. Sena se tliilo nthus'a na le bacha ba bang hore re se ke be ra fumana monyetla oa ho hiroa hoba takatso ea rona ke ho tla itšebetsa.

TORO EA HAU KE EFE?

Ke rata ho bona re ikopantse re le bacha re ena le Kampani ea Lithekiso le Lipapatso, 'me e sebetsa 'moho le likampani ka mefuta ea tsona esita le mekhahlelo e fapakaneng ea bahoebi. Kamora ho theha kampani ke boetse hape ke ba tla ho khutlela sekolong ho ea etsa lengolo le leng hape le amanang ka kotloloho le ho iqalla likhoebo le bitsoang Degree in International Business. Lena le tla nthus'a haholo hore ke tle ke tsebe ho sebetsa le likampani tse ling kantle le kahare ho naha le hore hape ke tsebe ho hola le ho tsebahatsa khoebo ea ka.

KELETSO HO BACHA

Bacha ba kene seko-lo hoba le litsebo le ho li matlafatsa kaha sena se tla thusa ho itlhalisetsa mesebetsi. Ba etsa lithuto tse tla thusa hore ba se ke ba itšetleha haholo litabeng tsa ho hiroa empa li ba thusa ho itšoarella ka matsoho molemong oa ho matlafatsa bophelo ba bona, ho holisa moruo le pheliso ea tlhokohalo ea mesebetsi kahare ho bacha.

Listen To Us Here

Mafeteng
Mohale's Hoek
Qach's Nek
Quthing

92.6 fm
bokamoso

Maseru
Berea
Leribe

97.4 fm
bokamoso

Mokhotlong
Thaba Tseka
Butha Buthe

98.2 fm
bokamoso

www.bokamoso974.co.za

Moruo o lokela ho hola ka 6% ho isa ho 7%

Nthabeleng Seithleko

Naha ea Lesotho ka kopanelo le Banka ea Lefatše li khakotse tlaho e bontšang boemo ba moruo oa Lesotho, o reretsoeng ho tla ka lintlafatso, kholo le ho felisa bofuma. Litaba tsena li bile ka ka la 7 'Mesa monongoaha.

maano. Lekenno le shebahala le tla theoha ha nako e ntse e tsamaea ha Morero oa Metsi a Lihlaba tsa Lesotho (LHDA) o ntse o theola tšebetso. A re litefiso tsa tsamaiso ea thepa tse kentsoeng ke Naha ea Amerika li tl'o ba le litlamorao tse busula tšebetsong ea 'Muso oa Lesotho. Mookameli oa Banka e Kholo ea Lesotho (CBL) Dr.

hobane moruo o lokela bonyane ho hola ka 6% ho isa ho 7% e le hore phetoho litabeng tsa bofuma le tlhohakahalalo ea mesebetsi e be pale ea maobane. O re kaha ba etse hloko liqholotso tse ba tjametseng kholong ea moruo, ba lokele ho sebetsa ka thata ho etsa tlhopho-bocha ea melao, meralo le maano. Letona la Lichelete le Ntšetsopele ea Meralo Dr.



Moemeli oa Banka ea Lefatše Lesotho Dr. Satu Kahkonen, o itse kamor'a nako e telele moruo o tema, empa selemong sa 2024 o ile oa hlasimoloha ka lebaka la lekeno la SACU le la metsi. Leha ho le joalo, o re tlhasimoloho ena e ke ke ea eba ea ho ea ho ile, ka hoo ho hlokahalang ke tlhopho-bocha ho thusa likhoebo tse ikemetseng le ho ntlafatsa

Emmanuel Letete, o supile hore moruo ha o hole ka tsela e khotsofatsang kaha o hola ka karolo ea 'ngoe lekholong, empa hona ha se taba e tšoenyang kaha naha e na le sekheo sa 10% ea tlhokahalalo ea mesebetsi. A tsoelapele hore ha joale kuno ea Loti le leng ke 5% e leng tlaase, ka hoo hona ho bolela hore re na le bothata ba nako e telele

Retšelisitsoe Matlanyane, o supile hore o entse khoelehetso ho likhoebo tse ikemetseng ho kenya letsoho ntlafalong ea moruo oa naha, ka ho lefa lekhetho le litšebeletso tse ling. O re lintlha tse hlokang ho hlophisoa bocha ke melao ea lichelete, ntlafalo ea ho arolelana merero ea botseteli le ponaletso tšebeliso ea lichelete tsa sechaba.



Malebaleba o loantša tlala

Nthabeleng Seithleko

Ele ho kenya letsoho litabeng tsa ho fenyha tlala le bofuma metseng, Mokhethoa oa Thaba-Bosiu Issac Malebaleba, o nehelane ka phoofo ea papa ho malapa a 1,000 ka la 6 'Mesa monongoaha. O re litaba tsena o li etsa a sa khethe nku ka pere hobane batho bohle ba tlokotsing ea tlala, haholo o qhololitsoe ke batho ba sebelisang litlhare tsa bophelo bohle ba neng ba lula ba qela mokhoa oa ho ja lapeng ha hae. O re taba ea sechaba se hlokang lijo ke koboanela ka hona ba lokela ho ema ka matla ho bona hore bao ba fumana seo ba ka se jang. O supile ha mosebetisi ona a o etsa ka lerato e se hobane a reka sechaba empa a hopola hore ho na le batho ba tlokotsing, ka hoo o tla tsoelapele ho ba tšehetsa leha a se a se pusong. A re o rata ho bona lebatooa la habo le ntlafetse ka phano ea metsi le motlakase hore bohle ba phele ka boiketlo. E mong oa ba uneng mol-

emo Reentseng Ntaote, o supile hore lijo tsena li fihla nakong e thata eo a sa sebetse kaha a itšebetsa le eona mesebetsi e sokoleha. A re kaha e le ntate ea hollisang bana ba bararo 'm'e oa bona o se a le sieo, o na le ho imeloa hoo ba neng ba robale ba se na lijo. A re qholotso e kholo ke ea hore o sebelisa litlhare tsa bophelo bohle, tseo a khothaletsoang ho ja ka nepo e le hore a tsebe ho phela hantle. A re o leboha mofani ka tšehetso ena hobane bophelo bo tla nolofala. Ha 'Mathabo Molefe eena a bontšitse a thabile hore ebe mokhethoa oa bona o lula a ba hopola hobane tlala e tjametseng malapa e sisimosa pelo, ebile batho ha ba sebetse ka lipalo tse holimo. O re lijo tsena li tl'o arabela tlhoko ea malapa a mangata joaloka ho ile ha phatlalatsoa qhomatsi ea tlala. A re o lumela hore thuso ena, e tlaanela le malapeng a mang. Lijo tsena li fanoe ho sechaba sa Mosalla le Ntlo-Kholo, 'me tebello ke hore nakong ea phano e 'ngoe ho tla abeloa baahi ba metse e meng.



PASSOVER SEDER MEAL

WITH MISSIONARY OBLATES OF MARY IMMACULATE

11TH APRIL 2025
6PM


Venue
MAZENOD CONFERENCE CENTER

MC:
Fr Tumo Charles Matsoso

TICKET
M300

FIRST 20 PEOPLE GET ACCOMMODATION WITH HALF THE PRICE

CONTACT:
+266 5754 4666 / 5075 7585



O re ho bohlokoa hore batsoetse le bakhachane ba sebelise linaoa tsena e le karolo ea lijo tsa bona tsa kamehla molemong oa kho-
lo e nepahetseng ea bana, hobane sena se tla thusa



MOELETSI oa BASOTHO

Prepare Good People For the Lord



Moeletsi oa Basotho

AKHENTE EA LITICHERE E HLANGOLA LHABELA

Koranta e

JUBILEE

...75...

1933-2008



Moeletsi oa Basotho

...75...

1933-2008

SERVICES

- Advertising Space
- Notice space
- Tenders and Vacancies

Subscription Details

- Monthly Subscription
- Three Months
- Six Months
- 12 Months

Newspaper Content

- Church news
- Sports News
- Health & fitness
- Agriculture
- Fashion, Dance, Modelling & Events

CONTACT US HERE:

Tel: +266 28 350 466

680 78 124 (Whats App)

moeletsiobasotho@gmail.com

'Muso o nyetleletsa likhoebo



Nthabeleng Seithleko

Tona-Kholo Ntsokoane Matekane o re 'muso o fane ka M400 Million ho ts'ehetsa likhoebo tsa Basotho ekaba tse ncha kapa tse khale, e le mokhoa o sebelisoang ho imolla khoebo e ike-metseng. Litaba tsena li hlaheletse 'mokeng oa

A li fera ka hore Amerika ha se eona feela e tla khaola maqhama empa le linaha tse ling li tla hlahella ka lebaka leo ho molemo ho ikemela le ho itlhamisetsa re le naha kaha mphe-mphe e lapisa.

Letona la Khoebo, Mesebetsi e Mehola le Likhoebo tse Nyenyane, Mohlomphehi Mokhethi Shelile, o re ke bonyane Basotho ba ka bang 700 ba tl'o felloa ke mosebet-si h'a kenya tšebet-song

likhoebo tseo, ka hona o re h'a ka ba jarisa thoto ka monkhoane joalokaha molao o bolela, Basotho ba hiriloeng ke melata eo ba tl'o felloa ke mosebet-si.

O ne a arabela potso ea bahoebi ba neng ba 'mot-sa hore na o tla ikuna-kuna ho fihlela neng pele a kenya molao oo tšebet-song.

O itse nakong eo a kenyang molao oo tšebet-

lisa mechini ea libanka ho lefisa batho.

O re bao ba hohola chelete ea naha ena ka ho e beha ka mabenkeleng ba e fetisetsa habo bona e le bokhothokhotho, bo siang naha ena e lapile. O re 'muso o lokela ho fina selelu hobane mebuso e finne lilelu kantle ka mona, ha e sebetse ka mohau e sebetse ka ntlafalo ea khoebo e seng ho hong.

sotho ba its'okolang ka bongata le ba sa khoeng litabeng tsa khoebo ea mekuku.

Ka lehlakoreng le leng Mokhatlo oa Bahoebi ba Ikemetseng, ka Mookameli oa ona Thabo Qhesi, o re ba ipiletsa ho 'Muso oa Lesotho ho batalatsa mabala ka ho tsoamela naha mebaraka e mecha machabeng, etsoe e ntse e le teng hore e imolohe le ho boloka mesebetsi.



song, o tl'o nka ka lecho-ba Basotho ba etsang sa mokana likhoebo e le tsa

O re chelete e potolohang kahar'a naha e nyenyane hobane bahoebi ba bang ba lutse lejoe le motsu ke bahlanka ba ba lefisang tjojo hore ebe ba hoeba kahar'a naha ena ka mekhoe e fosa-hetseng. Ba bang ke ba keneng ka likhoroana tsa matsa, ha ba bang e le ba tlokotsing likhobong tsa bona.

O re ke nako ea hore Basotho ba fuoe monyetla likhobong tsa bona, melata e bule likhoebo tse kholo hore naha e tsebe ho tloha boemong ba Ba-

O re nyollo ena ea litefiso tsa lekhetho tsa thepa tse entsoeng ke Naha ea Amerika haufinyane basebetsi ba bangata ba tliil'o angoa ke boemo boo, kaha ba lokela ho fokotsoa lifemeng hobane ha ho thepa e teng ha joale.

O re 'muso o thehe letlole la ts'ehetso ho basebetsi ba tla angoa ke boemo bona hore ba 'ne ba tsebe ho beha bohobe tafoleng, ha naha e ntse e itlhophela ho tsoa kahar'a boemo bona bo hloabaetsang.



lipuisano tsa bahoebi le makala a chang a ts'ola, haholo la Khoebo le Mesebetsi e Mehola, ka la 9 'Mesa monongoaha. A re le bona e le 'muso ba ikamahanya le mae-mo a teng, moo a entseng mohlala ka litaba tsa 'tar-iff' le leqeme la mesebet-si, ka hoo ke nako joale ea hore Lesotho le itlhamisetsa ho qoba ho lebel-la liphallelo ho linaheng tse ling.

Temana ea 34 ea Molao oa Ngoliso ea Likhoebo 2020.

Molao ona ke o behellang ka thoko likhoebo tse 47 bakeng sa Basotho-sotho. Likhoebo tseo li akarelletsa ho rekisa matlo le litša, likaroloana tsa likoloi, joala, lijo tsa liphoofole le lijo, ho lokisa le ho kuta moriri joalo-joalo.

Ho fihlela joale, ho na le melata e hoebang ka

bona feela ha e le hantle e le tsa melata.

E mong oa bahoebi ba bileng 'mokeng ona, Mohau Sello oa Mafeteng ea hoebang ka lijo le matlo a baeti, o itse boithutong ba hae o bone hore melata haholo ea Machina e bonahala e bakela naha ena bofutsana ka lebaka la 'muso o sa tsotelleng, hore bao ba kenye lichelete tsa khoebo libankeng tsa naha ena, le ho sebe-





World Health Day (7 April)

Statement by UNFPA Executive Director Dr. Natalia Kanem

We can and must end preventable maternal deaths

Globally, women’s health during pregnancy and childbirth is better than ever before. This is owing to medical advances, and because more women have control over their reproductive choices and can access respectful, high-quality maternal care.

Since 2000, the world has seen a remarkable 40 per cent drop in global maternal mortality. For the first time, no country is estimated to have an ‘extremely high’ maternal mortality rate of over 1,000 deaths per 100,000 live births.

Yet these gains mask significant disparities and they remain fragile – and in some of the most vulnerable places, non-existent. Where health systems are weak or protracted crises take root, maternal mortality rates stagnate or even increase. In conflict-affected countries, women are twice as likely – or more – to die from pregnancy and childbirth complications than the global average.

One encouraging sign is that more births today take place in healthcare facilities. Still, the quality of care varies widely, which can have life-threatening consequences: Research finds that poor-quality care causes half of maternal deaths. Shortages in essential medicines, equipment and skilled personnel plague many health systems.

In many cases, discrimination and inequities tied to location, income, and race or ethnicity deprive women of both sexual and reproductive choices and adequate maternal care. Even in the wealthiest countries, which have high healthcare standards on average, rates of maternal mortality are disproportionately higher among marginalized groups.

We can and must end preventable maternal deaths. We know what works and why.

We know that midwives save lives. Expanded midwifery care can detect risks and manage complications while reducing costs. Despite evidence that universal access to these professionals could avert two thirds of maternal and newborn deaths and stillbirths, there is a global shortfall of nearly 1 million midwives.

We know that strong political commitments, adequate financial resources and supportive laws make a lasting difference.

On this World Health Day, let us prioritize investments so that we reach zero preventable maternal deaths. Let us commit to building healthier, more just societies and to ensuring that all women bringing life into this world can survive childbirth and thrive afterwards.

ELEGANCE COUTURE

www.moeletsiobasotho.co.ls

fabric that speaks



PHYSICAL ADDRESS: TRADORETTE BUILDING ROOM B22

 **FACEBOOK AS ELEGANCE COUTURE**  **WHATSAPP: +266 58524642**  **INSTAGRAM AS ELEGANCE COUTURE**

Don't burn yourself to warm them

Life teaches us so many lessons, among which we have to be sociable, learn to collaborate, co-exist with others and be sympathetic as well as empathetic. As we learn these very important life lessons we end up finding ourselves at the back of the line. We are capable of dishing out love to others, the luxury which is very foreign when it comes to self. We are basically taught to put others first while we will take care of ourselves when everyone else is fine. I beg to differ; we can't live in the world where a cook is not allowed the taste of the very food he is preparing. We can only be content and confident with our cooking once we know the taste of our food. The same is true with love and care, if we can start with ourselves, surely going to others becomes effortless. We can ill afford the notion that if others are cold we have to burn ourselves for them to feel warm. My thought processes tell me that it has to be me in so many things before others. We can live life with self-hate but expect to enjoy it. We are going to find it as a misery, the joys of the world would be taken away. What's the point of having everyone around us beaming with happiness resonating from us while we are miserable?

Teboho Matjeka
63574502/58911803



TSA KEREKE

O khetheloa bolula-setulo hape

Tšeliso Thakholi

Setho se hloahloa sa bacha ba Makatholike sa Parish ea Maria Mofumahali oa Lefatše, Limpho Leina o khethetsoe ho ba Molula-Setulo oa Khokahanyo ea Bacha lekhetlo la bobeli ka tatellano, phutho-hong ea bacha ea letsatsi le le leng e bileng Sekolong sa Mathomo sa Mazenod ka la 6 'Mesa 2025.

Puisanong le motlalehi oa Moeletsi oa Basotho, Leina o boletse hore o amohetse khetho ea hae ka liatla tse

A re ba tlii'o nyolla mokotla ka mekhoa e fapakaneng, e kang ea ho etsa mekete ea lipina le ho tsoa ka makhalo ohle ho batla bacha ba liparish le limishone tse ling ba ka khahloang ho sebetsa 'moho le bona ka ho etsa mekete ea lipina.

A re boikemisetso bo bong ke ho bona hore bacha bohle ba Parish ea Maria Mofumahali oa Lefatše ba kenya letsoho litšebeliso tse fapakaneng tsa Kereke le maetong ohle a lithapelo. "Re tlii'o ema ka maoto ho bona hore ba arabela lithoko tsohle tsa Kereke, empa e kholo ka ho fetisisa ke ho bopa bonngoe kahare ho bacha ba Parish."

ea likhetho le ho ba le tsa- maiso e nang le ponaleto. A re phepetso e kholo e ba tjametseng e le litho tse ncha tsa komiti ke bacha ba sa kenang likopano, bao ka linako tsohle ba sa imatahanyeng le bacha ba bang.

A tiisa hore ka setho se ba emetseng kahare ho Komiti e Kholo ba tlii'o se thusa ho bona hore bacha bohle ba Parish e ba ntho e le 'ngoe. "Re thabile haholo hore ebe ba na le boemeli kahare ho komiti kaha sena se tla nolofatsa tšebetso ea rona. Bacha bao rea ba hloka ka litsebo tsa bona tse fapakaneng ho tla holisa Kereke." Ke Leina eo.

Haele lebitsong la bacha,



peli le hoja e se mosebetsi o bonolo kaha a ntse a khethetsoe maemong a tšoanang. "Empa batho u ke ke oa ba tsekisa ha ba bona makhabane le melemo e itseng ho 'na." A rialo.

O re boikemisetso ba bona ke ho tla qala ka ho nyolla mokotla oa Khokahanyo ea Bacha e le hore ba tsebe ho kenya letsoho kholisong ea Kereke ea habo bona.

O boletse joalo a bile a eket-sa ka hore ba hloka tlhopho le bonngoe kahare ho bacha.

Ka ho khetholoha o itse ba hlokometse hore Khokahanyo ea Bacha e lokela hore ebe le melao e ba tsamaisang e tlang ho ananeloa le ho hlohonolofatsoa ke Moprista le Lekhotlana la Parish, e le ho qoba pherekano e bileng teng nakong

Felleng Masoabi le Itumeleng Koloti ba lebohile le ho lakaletsa komiti e ncha katleho le mahlohonolo. Ba tiisa hore ha ba ba khethela ho ba soetsa kapa ho bapala ka bona empa ba bone bohale, matla le makhabane a bona a hore ba ka tseba ho ba etellapele mol-emong oa kholo le katleho ea Parish ea Maria Mofumahali oa Lefatše.

2024-2025 SELEMO C

SONTAHA SA MAHLOMOLA



Isaia 50,4-7
Pesalema 21
Ba-Filipi 2:6-11
Luka 22,14-23,56



Khothatso

Molimo o phahamisitse Kriste

Ho latela lipalo tse telele tseo le li balileng kajeno, le na le bonnete ba hore ketekelo ena e bolela qetello ea bophelo ba Kriste lefatšeng. Thutong ea Pele ho tsoang Evangelizing ea Luka, Kriste o kena Jerusalema ka litlatse le mehoo ea thabo. Bafarisi ba laela Kriste ho joetsa barutuo ba hae ho khaotsa ho re, "Ho bokoe ea tlang ka Lebitso la Morena, hosanna! Maholimong a holimo-limo." 'Me eena o re ha ba ka khutsa ho tla bua majoe. Palong e 'ngoe kamor'a hore batho ba nke e le Morena, Labohlano le latelang batho ba tšoanang ba se ba hooa ba re, "Mo thakhise! Mo thakhise!" Hobane'ng ba fetola maikutlo kapele tjee? Ba ne ba lebeletse hore Kriste e tla ba Khosi ea bona hobane ba ne ba khathetse ke puso ea khatello ea Maroma. Ba sitiloe ho utloisisa hore lithuto tsa Kriste h'a ba bolella hore 'Muso oa hae ha se oa lefatše lena ebile ha ho mohla e tla ba oa lona.

Palo ea kajeno ho tsoa Lengolong la Paulosi ho Ba-Filipi o bolela ka boholo le Bo-molimo ba Kriste boo a sa kang a bo sebelisa, empa ea e-ba ea ikokobetsang, a iphetola lekhoba a mamela ho isa lefung le hona lefu la sefapano. (Ba-Filipi 2:6-8) Ho Kriste ho ne ho lutse Bo-molimo ka ho tla (Ba-Kolose 1:19, 2:9), 'me hoja batho ba ne ba tseba ba ka be ba sa 'molaea. Le Satane a ka be a sa hlohlletsa batho ho bolaea monna ea se nang molato, hobane a ka be a tsebile hore lefu la hae le tli'o timetsa 'muso oa sebe oo a o ahileng ka sebe sa Adama. Ka thetso ea Satane lefu le tiile lefatšeng, eaba ka sehlabelo se phethehileng sa Kriste, Konyan'a Molimo, bophelo bo tla lefatšeng.

Ka hona Molimo o phahamisitse Kriste 'me a mo fa lebitso le fetang mabitso, e le hore ha ho bitsoa lebitso la hae mangole ohle a khumame Leholimong le lefatšeng 'me a bolele hore Jesu Kriste ke Morena letlotlong la Molimo Ntate. (Ba-Filipi 2:9-11)

Ha e le mona re qetela nako ea Karisima e re hlophelang Tsoho e tlotlehang ea Morena, ha re shebeng ka botebo Mahlomola a Kriste e le Morena oa rona. Ha re hopolong hore Kriste o shoeletse libe tsa rona, tsa hau le tsa ka. Teboho ea rona ho eena ka ketso ena ea hae e ke e bonahale mehopolong, mantsoeng le liketsong tsa rona.

Moea o Halalelang o ke o be le rona bekeng ena e Halalelang ha re phela 'moho le Kriste matsatsi a ho qetela a hae lefatšeng. Ona ke monyetla o motle oa hore re ithute lerato la Morena Molimo, le bonahalang ka boiphano, sehlabelo le boitelo. Bana b'eso ha re qeleng ho Morena makhabane a Mor'a hae e le hore le rona re tle re thuse bohle ba mahlomoleng, ba litsietsing le ba llang. Re fetohle matšelisano a 'nete bophelong ba batho ba phelang ka meokho le likhapha nyene le bosiu. Re be bakokobetsi ba mahloko a likhutsana, bahlolohali le baphaphathehi.

Bahalaleli har'a Beke

14	'Mesa	Lydwine
15	'Mesa	Paternus
16	'Mesa	Bernadette
17	'Mesa	Anicetus
18	'Mesa	Corebus
19	'Mesa	Alphege

LUFC e busetsa sechabeng

Tšeliso Thakholi

Sehlopha sa Bolo ea Mao-to sa Banana sa Ladybugs United Football Club (LUFC), se ile sa etela bana ba likhutsana ba Lehae la Mazenod ka la 6 'Mesa monongoaha ka sepheo sa ho ea thaba le bona le ho ba fa meqeqe-kohali ea limpho tsa lieta tsa sekolo le liphahlo.

Ho ea ka mothehi ebile e le mokoetlisi oa sehlopha Monghali Tankiso Selialia morero o moholo oa sehlopha sa habo ke ho sebelisa papali ea bolo ea maoto ho khutlisetsa sechabeng, ka ho thusa bana ba phelang mahaeng a likhutsana ka mekhoha e fapakaneng. "Re batla ho tsosolosa moea oa lerato, ho fana le kutloelo-bohloko kahare ho bana ba rona." O boletse joalo.

A re morero ona oa bona o seng o tla ba selemo le selemo oa ho kenya letsoho mahaeng a likhutsana, ba o qalile ka Lehae la Bana la Mazenod, empa ba tla 'ne ba fetole libaka, e le hore mahae ohle a tikoloho ea Maseru le ona a fumane molemo ona oo ba fanang ka ona. A re limpho tseo ba faneng ka tsona li kenyeletsa lieta tsa sekolo le liphahlo tse tsoang bathong ba boithatelo bo botle ba kentseng letsoho le ho tsona libapali tsa LUFC ka bo-tsona.

"Ha ngata ka nako ena ea Mariha bana ba likhutsana ke batho ba lebahlang hore le bona ba tsietsing e kholo ea serame, ka lebaka la ho hloka liaparo tse mofuthu le tseo e reng ha ba li apere ba hlahelle hantle baneng ba bang le ho batho ba bang. Ra bona hore re tlameha ho qala morero ona oa ho thusa mahae a likhutsana e le hobane re batla hore le bona ba tsoane le bana ba bang ba be batle." A rialo.



A re selemo sena ke sa bohlokoa haholo ho sehlopha kaha ba tlii'o itokisetsa ho ngolisa sehlopha kahare ho Liki ea

First Division, e le hore selemong se hlahlamang ba be ba kena hakare ho Liki e Kholo ea Basali ea Women Super League.

Ngoahola sehlopha sa LUFC se ile sa theha Liki ea ho holisa le matlafatsa papali ea bolo ea maoto ea banana kahare ho ti-

koloho ea Mazenod le ho itokisetsa ba hotla kena Liking ea First Division e le matla haholo.

O hapa Two Oceans

Tšeliso Thakholi

Bo petsoa-majoeneng ba Lesotho ba mabelo a mokoka ba ipontšitse hore ha ba na thaka Tikolohong e ka Boroa ea Afrika ka ho ipabola lebelong la banna le basali la Two Oceans Marathons, ka ho hlaha hara ba leshome ba tsoileng khoeleng pele. Lebelo lena le ne le tsoaretsoe Cape Town, Afrika Boroa ka Moqebelo oa la 5 'Mesa 2025.

Likhalala tsena tsa Lesotho lebelong la banna la bolele ba 56Km li ne li etelletsoe pele ke Khoarahlane Seutloali ka ho hlaha boemong ba pele, boemong ba botšelela, ba bosupa le ba brobeli ke Lebelo 'Mopenyane, Lebenya Nkoka le Lekhotla Pulinyane ka tatellano. Kaofela ha bona ba ikhapetse chelete le likhau.

ne ka tatellano. Kaofela ha bona ba ikhapetse chelete le likhau.

Ba hlahileng boemong ba bobeli, ba boraro le ba bone ke Ma-Afrika Boroa, Siboniso Sikhakhane, Lucky Mohale le Nkosikhona Mhlakwana ha boemong ba bohlanong e le Mphato Nadolo oa Malawi. Lebelo lena le neng le kenetsoe ke limathi tse feta 18 000, mpoli ea lona e leng Khoarahlane Seutloali o ikhapetse M250,000.00. 'Mopenyane o fumane M15,000.00, Nkoka a ikhapela M14,000.00 ha Pulinyane a iphumanetse M13,000.00. Mohloli oa lebelo lena oa ngoahola Onalenna Khonkhobe oa Naha ea Afrika Boroa nto e hlile ea mo hlola e sa le sethathong.

Ka lehlakoreng la basali lebelong le tsoanang Naha ea Lesotho e ne e



emetsoe ke 'Neheng Khatala ea hlahileng boemong ba borarao a ikhapela M65,000.00 ha Likeleli Ma-

jara a hlahile bohlanong a fumana M25,000.00.

Mohloli ka ho basali ke 'Queen of Two Oceans' Gerda Steyn ea entseng nalane ka ho ba mosali oa pele oa ho hapa lebelo lena ka makhetlo a tšeletseng, 'me o fumane M250,000.00. Haele kaka-pa mabelong a mokoka e leng Irvette Van Zyl oa Afrika Boroa ea neng a hlahile bobeling ngoahola le Love-ness Madziva oa Zimbabwe monongoaha ba ne ba sa kelenalebelo lena kaha ba ne ba e-na le libeke li se kae ba tsoa matha mabelo a mang a kang la Soweto Marathon, 'me ba itokisetsa le tlii'o mathoa ka khoeli ea Phupjane monongoaha.



Mazenod PRINTING WORKS (Pty) Ltd
57396597
28 350 815

28 350 466
lesaoanat@gmail.com

Scan me

U se u ka fumana
Lifela Tsa Bakriste
ho marangrang a
boletsoeng ka tlase.

Get the Akello app on Play Store, App Store,
or Huawei App Gallery for Mazenod books
and more. Download now!

<https://library.akello.co/downloads>

akello

Mafoso o furalla Linare

Tšeliso Thakholi

Matsatsi a se mae kamor'a hore botsamaisi ba Sehlopha sa Bolo ea Maoto sa Linare 'Tse Tala' se phatlalatse ho likhokahanyo tsa marang-rang hore mokoetlisi oa sehlopha, monghali Bob Mafoso o itokolotse bokoetlising tlasa lipuisano tsa khotso le bolokolohi, o se a qalile tšebetso ea hae e le mokoetlisi e mocha oa sehlopha sa African Stars sa Naha ea Namibia.

Mafoso o lebohile ka tsela e khethehileng libapali tsa hae ka tšebetso e mofuthu eo a bileng le eona le bona. A leboha botsamaisi ba sehlopha sa Linare bo ileng ba mo fa monyetla oa ho sebetsa le bona. A ipiletsa ho libapali tsa sehlopha ho lula li ntse li tsoarane ka matsoho e le ntho e le 'ngoe le ho sebetsa ka thata molemong oa ho atlehisa sehlopha.

O sia sehlopha se le kahar'a lihlopha tse robeli tsa Liki e Kholo tse ka holimo



lokong ka lipapali tse 20, sa hapa tse robeli, sa bapala ka ho lekana ho tse hlano, 'me sa lahlehelo ke tse supileng. Ka hona se na le lintlha-kholo tse 29 ka khetsing. Se petelitse Lijabatho habohlolo boemong ba bosupa ka lintlha-kholo tse 30 ka mokotleng. Ha se ka fosa mokubetso Majantja

le lifofane tse boemong ba borobong le ba leshome ka tatellano li tla se tlola holimo.

Ho feta mona, o ile a lahlehelo ke mohope oa pele o neng o bula selemo sena oa People's Cup o bileng Lebaleng la Bocheletsana tikolohong ea Mantšonyane mathoasong a Tlhakubele

2025 moo Linare e neng e hloloe ke Bantu lipapaling tsa seka-makhaolakhang a mohope ona.

Ho sa le joalo sehlopha sa African Stars seo Bob a seng a qalile tšebetso ho sona, se boemong ba Liki e Kholo ea Namibia Premier League. Se se se hapile Mohope oa Liki makhetlo a

mahlano, sa kena litlholisanong tsa CAF Confederations Cup League ka lilemo tsa tsa 2019 le 2020, moo lipapali li ile tsa sitoa ho bapala ka lebaka la seoa sa COVID-19. Thomo ea mantlha ea mokoetlisi e mocha ke ho bona hore sehlopha se bapala hantle le ho hapa Liki monongoaha.

Letsatsi le likella Naughty Boys

Tšeliso Thakholi

Leha ho bonahala letsatsi le likella Sehlopha sa Naughty Boys, se sa tsoa theohela lihlopheng tsa Mokhahlelo oa A Division selemong se fetileng sa lipapali, batšehetsi ba sona ba re sehlopha sa bona se ntse se balelloa ka phoso ho lihlopha tse tsietsing ea ho theohela ho B Division ha selemo sena sa lipapali se fihla pheletsong mafelong a 'Mesa monongoaha.

Sehlopha sa Naughty Boys se boemong ba ho qetela ba leshome Liking e ka Boroa ea A Division ka lintlha-kholo tse leshome ka khetsing, 'me se salletsoe ke lipapali tse tharo se phethe-la lipapali tsa sona tsa selemo sena. Ka hona mafelong ana a beke se tlii'o bapala papali ea sona ea boraro le Mahleseli Lebaleng la LCS. Ha se ka lahlehelo ke papali ena kapa sa bapala ka ho lekana se tla be se le ka moo thakali e fatelang.

Barati ba sehlopha sena ba re leha ho bonahala ho sa ka ha eba bonolo ho

sehlopha ho hapa lipapali karolong ea pele ea liki, ba tiisa hore ka lipapali tsena tse tharo tse setseng sehlopha se ke ke sa rathoa ke selepe ho latela boikemisetso ba sona bo matla ho tloha boikoetlisong ho tla fihlella se ba se kena lipapaling tsa sona. Ba re ba bile boikoetlisong ba sehlopha libekeng tse peli tse fetileng ho ea ithuta maemo, 'me ba bone hore moea ke o matla oa bahlankana oa ho tla

pholosa sehlopha boemong ba tlokotsi boo se leng ho bona.

Ba re bothata bo boholo ba sehlopha bo qetell-etseng bo entse hore ebe se mohatleng oa loko, ke hobane eitse ha se qeta ho theohela lihlopheng tsa A Division lihlopha tse kholo li ile tsa se ntšetsa joaloka 'maborokoane, ka ho nka libapali tse ngata tseo se neng se theoha ka tsona, 'me ba tlameha ho qala qa-

long ka libapali tse ncha tse e-s'o tloaele lebatama la A Division.

Ba boetse ba re bothata bo bong bo boholo ke molao ona o tlamang hore bonyane sehlopha sa A Division se lokela ho bapalisa le libapali tse tharo tsa U/20 nakong ea papali. "Taba ena ke eona e qetang lihlopha tse ngata tsa A Division hoba ke setlamo, 'me boholo ha re na bona. Ba ba etsa feela ho phetha molao."


Ba rialo. Ka lipapali tsena tse setseng ba re Naughty Boys e monyetleng o moho oa ho baleha selepe kaha se ntse se tlii'o bapala le lihlopha tse tharo tseo ba lumelang hore li se ntse li le tsietsing e tsoanang le ea bona. Lihlopha tse 'ne tse ka tlase lokong tse tsietsing e kholo ea hore se seng sa tsona se ka 'na sa rathoa ke selepe ke FC Summit, Qacha's Nek LMPS, Mahlaseli le Naughty Boys.





MoB KIDDS EDUTAINMENT

Puzzle MOB 93-4581



Across

- 1 Tona-Kholo ea Lesotho. (9,8)
4 Lijo tsa balisana (6)
9 Moshanyana ea sa bollang. (7,7)
11 Bolokoe bo chekileng ka sakeng ba nt'o omisoa. (4)
13 Khoeli ea Sesotho (8)
14 Lehlafi (5)
16 Letona la Lipapali. (8,8)
17 Sehlopha sa Naha sa Bolo ea Maoto. (9)
18 Motho ea u hlahlamang. (5)
19 Lijo tse ka nkehang ka bonngoe joaloka poone, mabele le tse ling. (4-6)

Down

- 2 Mantle a khomo a sebelisoang ho besa. (7)
3 Mookameli oa pele oa sepolesa oa mosali. (8,8)
5 Setereke sa Lesotho. (5,5)
6 Linako tsa Selemo (6)
7 Sebapali sa mehleng sa Likuena se kileng sa bapala Naheng ea Tunisia. (6,8)
8 Mongoli e Moholo oa Mokhatlo o Tsamaisang Papali ea Bolo ea Maoto Lesotho. (7,6)
10 Seboholi sa litaba tsa lipapali Se-ea-le-moeeng sa Lesotho, ebile a kile a ngolla Koranta ea Moeletsi oa Basotho. (6,7)
12 Reneketso ea Sehlopha sa Bolo ea Maoto sa Sepolesa. (7)

- 15 Sehlopha sa Naha sa Papali ea Rugby. (8)
16 Lebotho la Setereke sa Berea. (7)

SOLUTION

MOB 93-4580

